

可早運上所請申大湯屋用途米事

右、件用途米者、今月廿日以前可運上也、自餘輩皆以致其沙汰、仍早々可沙汰進、依衆議下知如件者、宜承知、敢不可違失、故以下、

建久七年十二月十六日

權寺主大法師（花押）

○補一九六 山城笠置山貞慶勸進狀

○東大寺所藏
彌勒感應抄一

笠置寺沙門貞慶奉唱

請依善知識助奉爲 伊勢大神宮、紹隆當山往古八講等狀、

右、當山者海內之名區、壺中之形勝也、草創之奇異衆所知識、石像之靈應不須復說、佛子頃年以來竊以栖息見聞之間、悲喜者多矣、所謂春秋二季法華八講者、去延曆十三年、南都龍象所始行也、法電早震世、稱第三傳之肅會、惠日久照、年送四百廻之夏曆、天下往々有修八講、皆其餘流末塵而已、然而眞俗威儀追年冷然、縑素來會合期殆難、就中招請纔四口問答及重役、經廻空數日、施供甚輕微、講說論談雖有繼古之名、幡

蓋舞樂已無、悅目之儀、曩代勝躅失墮在近、豈啻吾山之悲歎、殆爲一朝之瑕瑾者歟、又都鄙淨信之輩如法寫經之者、荷負寶蓋遙舉羊腸之朝雲、瞻禮石像、泣契鷄足之春日、鄭重之儀、隨喜銘肝、既而古今奉納無隙立針、青苔空對、香華永絕、設非施主盡致供養、加之、一乘機緣、此山相應、止住之客、多誦妙法、如故禪海上人者、諷誦薰修十二萬三千部、自筆書寫三十餘部、上古異域未聞其彙、有法而不崇、有師而不用、蓋兩都程遠、四隣路僻之故歟、感傷之餘、語山侶云、佛子心有一願、欲罷不能、可謂螻蛄還車之類也、一山法命隨分住持、廣大佛恩致誠報謝、以其功德奉酬大神宮之眞德、借彼威力祈我國衆生發菩提心、仍或紹隆四百歲之講會、或建立十三重之塔婆、所安置者則佛舍利許粒、大般若・法華・心地觀等三部大乘、及大聖文殊・四天王等形像也、擬之靈鷲山般若塔矣、智行淨侶擇十六口身心潔齋、滿一七日如法清淨、轉讀三部、於開講者就彼本會、春季加大般若經、秋季副心地觀經、講讀稱揚問答決擇、恒例會外、更延一日、十種供養、如新寫儀、抑人能弘法、誰非其人、法能利人、何過此法、乞也、諸德各

以頂鼻、老少守次差定其頭、供佛施僧隨分奉仕、若施而不受者、其心難勇、若受而不施者其罪難謝、互施互受、二利是均、既爲諸所之傍例、何非永代之秘計、但石床風冷、洞戶煙細、當山禪房清虛超他、送日尙難、況於大營哉、然者少僧試觸積善之家、泣乞立錫之地、以其地利、配分四人、年々人々次第請預、且舉本物、且舉本物、且加私力、守彼分預之前後、令其巡年之課役、非只檀度之淺緣、必爲種智之勝因、豈謂一會之紹隆、半是滿山之依怙也、于時一寺諸人聞而伏膺、嗚呼阿育王之歸佛界也、三捨一闍浮之地、末田底之弘法化也、僅殘十五里之池、如來遺教付囑有寄未知誰人、方助此事、仰願三寶哀愍加護焉、仍奉唱如件、

建久七年十二月 日

沙門貞慶

○補一九七 後七日御修法請僧交名

○東寺百
合文書

建久八年眞言院後七日御修法請僧事

阿闍梨法務僧正法印大和尚位覺成 胎藏界

親覺法眼

宗惠權律師息災護摩師

建久

隆通權律師增益護摩師 寬任已灌頂聖天供師

榮舜已灌頂十二天供師 圓曉阿闍梨

尊修阿闍梨 覺緣阿闍梨五大尊供師

隆賢阿闍梨 經覺阿闍梨諸神供師

任宗入寺 覺賢入寺

光遍內供舍利守

大行事 寬增 少行事重嚴

本供物請八郎丸 屋木國友

以前、交名如件、

(裏書) 一八日、參眞言院、任例堂莊嚴、

十四日、晚頭、參會堂、事了付布施堂、亥終參內、閑院先

加持香水、次隆通律師讀八宗奏、

番法印權大僧都範玄 于時興福寺別當

講師權少僧都良圓

○補一九八 中臣近利家地讓狀

○大和興
福寺文書

(別裏書)
一ノコノヤイノ

九三